



Broj: 03-50-1-141-9/09
Sarajevo, 18.2.2010. godine

Z A P I S N I K
9. sjednice Vijeća nacionalnih manjina Bosne i Hercegovine
održane 23.11.2009. godine

Sjednica je počela u 11,00 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manzalović Šalaka, Iren Milojević, Halil Bicaj, Tihomir Knežiček i Hidajeta Redžić.

Opravnano su odsustvovali: Marija Grbić, Jakob Finci, Darko Kovč, Andrija Svatok i Varan Hakan.

Sjednici je prisustvovala i Jadranka Korać, šefica Odjela za računovodstvo u Parlamentarnoj skupštini BiH.

Predsjedavajući Vijeća Nedžad Jusić, nakon što je pozdravio prisutne, predložio je da se dnevni red dopuni sa novom tačkom: Priprema za održavanje zajedničkog sastanka sa predstavnicima entitetskih vijeća nacionalnih manjina.

Nakon toga, vijeće nacionalnih manjina usvojilo je sljedeći

DNEVNI RED

1. Usvajanje zapisnika 7. i 8. sjednice Vijeća nacionalnih manjina BiH;
2. Informacija o realizaciji budžeta Vijeća nacionalnih manjina (finansije);
3. Informacija sa monitoringa Akcionih planova;
4. Pripreme za posjetu Beogradu;
5. Priprema za održavanje zajedničkog sastanka sa predstavnicima entitetskih vijeća nacionalnih manjina,
6. Razno

Ad. 1. Usvajanje zapisnika 7. i 8. sjednice Vijeća nacionalnih manjina BiH

Predsjedavajući Vijeća Nedžad Jusić, stavio na glasanje zapisnik sa 7. i 8. sjednice Vijeća nacionalnih manjina BiH.

Vijeće nacionalnih manjina BiH jednoglasno je usvojilo zapisnike sa 7. i 8. sjednice Vijeća.

Ad. 2. Informacija o realizaciji budžeta Vijeća nacionalnih manjina (finansije)

Jadranka Korać, u uvodnoj riječi obrazložila je stanje budžeta Vijeća nacionalnih manjina u prvih devet mjeseci 2009.godine.

Vijeće je jednoglasno usvojilo Informacija o realizaciji budžeta Vijeća nacionalnih manjina.

Ad. 3. Informacija sa monitoringa Akcionih planova

U okviru ove tačke dnevnog reda, razmatran je Informacija sa sastanka održanog u Zenici.

U raspravi su učestvovali: Nedžad Jusić, Jovanka Manžalović Šalaka, Vasilija Ibrahimagić i Halil Bicaj. Istaknuto je da je tokom posjete Ministarstvu obrazovanja ZE-DO kantona, delegacija Vijeća nacionalnih manjina je doživjela ponižavajuće iskustvo čekajući na sagovornika 30 minuta. Da situacija bude još poražavajuća, sagovornik nije raspolagao informacijama zbog kojih je zakazan sastanak.

Nakon rasprave donesen je zaključak da se Vladi Zeničko-dobojskog kantona uputi kritika na rad Zdenke Merdžan, ministricе za obrazovanje, nauku, kulturu i sport Zeničko-dobojskog kantona, zbog nepoštiranja prava nacionalnih manjina i iskazane neprofesionalnosti u obavljanju svoje ministarske dužnosti.

Takođe, donesen je zaključak da se po završetku posjeta, Izvještaj o monitoringu akcionog plana dostavi nadležnim ministarstvima obrazovanja i premijerima kantona, kao i da se u bužetu za 2010. godinu predvide sredstva za implementaciju Akcionog plana.

Zaključeno je i da se od OSCE BiH zatraži dostava priručnika o obrazovanju, kao i informacija o distribuciji tog priručnika.

Zaključeno je i da se posjeta opštini Prnjavoru, odnosno nadležnoj službi obavi 3.12.2009.godine.

Ad. 4. Pripreme za posjetu Beogradu

Predsjedavajući Vijeća Nedžad Jusić, informisao je članove Vijeća o posjeti Beogradu, koja bi se trebala obaviti u periodu od 14.12-18.12.2009.godine, te da je neophodno obaviti kontakte sa nadležnim odborima, odnosno predstavnicima nacionalnih manjina.

Ad. 5. Priprema za održavanje zajedničkog sastanka sa predstavnicima entitetskih vijeća nacionalnih manjina

Nakon rasprave o ovoj tački dnevnog reda, donesen je jednoglasan zaključak da se održi zajednički sastanak sa predstavnicima vijeća nacionalnih manjina Federacije BiH i Republike Srpske, te da se na isti pozove i Ibrahim Spahić, te da se održi i sastanak sa Zajedničkom komisijom za ljudska prava, prava djeteta, mlade, imigracije, izbjeglice, azil i etiku Parlamentarne skupštine BiH.

Ad. 6. Razno

Nakon rasprave o ovoj tački dnevnog reda doneseni su sljedeći zaključci:

1. Uputiti urgenciju Ministarstvu za ljudska prava i izbjeglice BiH, da se prof. Tihomir Knežiček, uključi uradnu grupu za izradu revizije Akcionog plana;
2. Zaključke i odluke sa sjednica Vijeća nacionalnih manjina, BiH, upućivati odmah nakon održavanja sjednica, nečekajući verifikaciju zapisnika;
3. Uključiti se u rad interesorne radne grupe za izmjenu Izbornog zakona;
4. Obzirom, da je u toku postupak ratifikacije Evropske povelje o regionalnim ili manjinskim jezicima, odnosno odabir članova Povelje koju Bosna i Hercegovina prihvata, Vijeće nacionalnih manjina BiH je zaključilo da se u dijelu koji obuhvata Obaveze iz III dijela, u skupini jezika regionalnih ili manjinski“ ne nalaze makedonski i crnogorski jezik. S tim u vezi, Vijeće predlaže Ministarstvu za ljudska prava i izbjeglice BiH da se u Obaveze iz III dijela uključe makedonski i crnogorski jezik.

Sjednica Vijeća je završena u 13,17 sati.

**Predsjedavajući Vijeća
Nedžad Jusić**